

**Luqo 17:5 Havoriyalar Rabbimiz Isoga:** “Imonimizga imon qo'shing”, — dedilar.  
**Rimliklarga 10:17 Demak,** imon tinglashdan, ya'ni Masih haqidagi Xushxabarni eshitishdan kelib chiqadi.

**Luqo 11:1 Bir payt Iso ibodat qilayotgan edi.** Ibodatni tamom qilgach, shogirdlaridan biri Unga dedi: — Hazrat! Yahyo o'z shogirdlariga ibodat qilishni o'rgatgandi. Siz ham bizga ibodat qilishni o'rgating.

**1 Timo'tiy 2:1-4 Avvalambor,** nasihatim shuki, butun insoniyat uchun iltijo qilinglar, toat-ibodatda bo'lib, duolar o'qinglar, shukronalar aytinglar. **2 Taqvodor,** obro'-e'tiborli, osoyishta, sokin hayot kechirishimiz uchun, hukmdorlaru boshliqlar uchun ibodat qilinglar. **3 Bu xayrli ish bo'lib,** najotkorimiz Xudoga maqbuldir. **4 U hamma insonlarning najot topishlarini va haqiqatni bilib olishlarini istaydi.**

**Zakariyo 3:1,2 Shoh Doro hukmronligining ikkinchi yili sakkizinchи oyida Yiddoning nabirasi** — Barxiyoning o'g'li Zakariyo payg'ambarga Egamiz O'z so'zini ayon qildi. **2 Egamiz ota-bobolaringizdan qattiq g'azablangan edi.**

**Efesliklar 6:12 Axir,** bizning kurashimiz insonlarga qarshi emas, balki samoviy olamdagи yovuz ruhiy kuchlarga, ruhiy hokimiyat va hukmronlikka hamda bu qorong'i dunyoni boshqarayotgan ruhiy hukmronlarga qarshidir.

**Efesliklar 6:10,11 Va nihoyat,** Rabbimiz Iso sizning qudrat manbaingiz bo'lsin, Uning buyuk qudrati sizlarni baquvvat qilsin. **11 Iblisning hiylalariga qarshi tura olishingiz uchun Xudo bergen barcha qurol-aslahalar bilan qurollaning.**

**Efesliklar 6:13-17 Shu sababdan,** Xudoning qurol-aslahalari bilan qurollaning, deb aytyapman. Shunda yovuzlikka to'la kunlarda mahkam tura olasiz, qurollanib tayyor turgan bo'lasiz. **14 Hushyor turinglar!** Belingizga haqiqat kamarini taqinglar, ko'ksingizga solihlik sovutini kiyenglar, **15 tinchlik Xushxabarini yoyish uchun oyog'ingizga ildamlik poyabzalini kiyenglar.** **16 Bularga qo'shib,** imon qalqonini qo'lga olinglar. **Shu qalqon bilan yovuz shaytonning hamma alangali o'qlarini kuchdan qoldirasizlar.** **17 Shuningdek,** boshingizga najot dubulg'asini kiyenglar, **Ruh beradigan, Xudoning kalomi bo'lgan qilichni ko'taringlar.**

**Ibroniylar 4:12 Xudoning kalomi jonli va ta'sirli,** har qanday dudama qilichdan o'tkirroqdir. **U jon bilan ruhni,** bo'g'inlar bilan ilikni ajratgudek suqilib kiradi. **Xudoning kalomi xayolu yurakning niyatlarini fosh etadi.**

**Luqo 4:8 Iso javob berib dedi:** — Yozilganki: “Egang Xudoga sajda qil, faqat Unga xizmat qil.”

**Efesliklar 6:18 Har qanday sharoitda Muqaddas Ruhga tayanib duo-ibodat qilinglar.** Ibodatda hushyor va sabotli bo'lib, **Xudoning barcha azizlari uchun iltijo qilinglar.**

**1 Shohlar 17:45-47 Dovud esa shunday javob qaytardi: — Sen qilich, nayzayu xanjarlar bilan ustimga bostirib kelyapsan. Men esa sen haqoratlagan Isroil lashkarining Xudosi, Sarvari Olamning nomi bilan qurollanib ustingga bostirib boryapman. 46 Bugunning o‘zida Egamiz seni mening qo‘limga beradi. Seni o‘ldirib, boshingni tanangdan judo qilaman. Bugunning o‘zida Filist lashkarining jasadlarini ko‘kdagi qushlarga, dashtdagi yirtqichlarga yem qilaman. Shunda Isroilda Xudoning borligini butun yer yuzi bilib oladi. 47 Egamiz qilichu nayza bilan najot bermasligini butun jamoa bilib oladi, chunki bu urushda Egamizning O‘zi jang qiladi. U sizlarni bizning qo‘limizga beradi.**

**Luqo 10:17-20 Yetmish ikki shogird xursand bo‘lib safardan qaytib keldilar. Ular Isoga shunday dedilar: — Hazrat, biz Sizning nomingizdan buyruq bergenimizda, hatto jinlar ham itoat etyaptilar. 18 Iso ularga dedi: — Men shaytonning osmondan yashinday tushganini ko‘rdim. 19 Men sizlarga ilonu chayonlarni bosib ezish hokimiyatini va iblisning butun kuch–qudratini oyoq osti qilish hokimiyatini bergenman. Hech narsa sizlarga zarar yetkazmaydi. 20 Biroq jinlar sizga bo‘ysunayotganidan xursand bo‘lmanglar, balki nomlaringiz osmonda yozilganidan xursand bo‘linglar!**

**2 Korinfliklar 10:3-5 Biz inson bo‘lib, bu dunyoda yashasak ham, bashariy kuch bilan jang qilmaymiz. 4 Bizning quroq–aslahalarimiz bashariy manfaat uchun emas, balki ilohiy manfaat uchun ishlatiladi. Bizning quroq–aslahalarimiz bu dunyoning quroq–aslahalariday emas. Xudoning qudrati bilan bu quroq–aslahalarimiz qal’aday mustahkam bo‘lgan insoniy o‘y–xayollarni hamda quruq safsatalarni yo‘q qilishga qodir. 5 Xudoni tanib–bilishga to‘sqinlik qilayotgan takabburona dunyoqarashga biz barham beramiz. Har qanday o‘y–xayolini Masihga bo‘ysundirib, asir qilamiz.**

**Matto 16:19 Osmon Shohligi kalitlarini Men senga beraman. Yer yuzida sen nimani taqiqlasang, samoda ham taqiqlanadi. Yer yuzida sen nimaga ijozat bersang, samoda ham ijozat beriladi.**

**2 Timo‘tiy 1:7 Zero, Xudo bergan Ruh qalbimizga qo‘rquv solmaydi, aksincha, bizga kuch, muhabbat va aqli rasolikni ato qiladi.**

**Matto 12:28,29 Agar Men jinlarni Xudoning Ruhi bilan quvayotgan bo‘lsam, demak, Uning Shohligi sizlarga ham kelgan. 29 Kim kuchli odamning uyiga bostirib kirib, uning mol–mulkini talon–taroj qila oladi? Avval u uyining egasini bog‘lab qo‘yishi kerak, keyingina uyini talon–taroj qila oladi.**

**Efesliklar 1:13 Xudo Ibrohimga va uning nasliga, sizlar yer yuzini mulk qilib olasizlar, deb va’da bergan edi. Ibrohim qonunga itoat qilgani uchun emas, balki Xudo uni ishonchi tufayli solih deb bilgani uchun Xudo bu va’dani berdi.**

**Faoliyati 19:6 Pavlus ularga qo‘lini qo‘ygan edi, Muqaddas Ruh ularni qamrab oldi. Ular boshqa tillarda gapira boshladilar va Xudo ayon qilgan so‘zlarni aytdilar.**

**Mark 16:15-18 Iso shogirdlariga dedi: — Butun jahon bo‘ylab yuringlar va hamma tirik jonga Xushxabarni e’lon qilinglar. 16 Kimki Xushxabarga ishonib, suvga cho‘mdirilsa, najot topadi. Ishonmagan esa mahkum bo‘ladi. 17 Quyidagi alomatlar imonlilarga hamroh bo‘ladi: Mening nomim bilan jinlarni quvib chiqaradilar. Yangi tillarda so‘zlaydilar. 18 Qo‘llariga ilon olsalar ham, zahar ichsalar ham, ularga zarar yetmaydi. Xastalarga qo‘llarini qo‘yganda, ular sog‘ayib ketadi.**

**1 Yohanno 1:9 Bordi-yu, gunohlarimizni e’tirof etsak, sodiq va adolatli bo‘lgan Xudo gunohlarimizni kechirib, bizni har qanday yomonlikdan forig‘ qiladi.**

**Chiqish 20:5 O’sha xudolar yoki butlarga sajda qilmang, xizmat qilmang. Men, Egangiz Xudo, sizlarning sevgingizni boshqa xudolar bilan baham ko‘rmaydigan Xudoman. Mendan nafratlanadiganlarni jazolayman, ularning gunohlari oqibatidan farzandlari, nabiralari va chevaralari ham qochib qutulmaydi.**

**Zabur 109:17(108(17) Ular la’natlashni yaxshi ko‘rardi, Endi la’natlari o‘zlarining boshiga kelsin. Duo qilishni yoqtirmasdi, Endi duo ulardan uzoq bo‘lsin.**

**Hakamlar 16:16 Dalila har kuni yalinaverib, Shimsho’nning qulqoq-miyasini yedi. Bundan bezor bo‘lgan**

**Efesliklar 4:26 Hatto g‘azablanganingizda ham gunoh qilmanglar. Quyosh botguncha jahldan tushinglar.**

**Rimliklarga 14:12 Demak, har birimiz Xudoning oldida o‘zimiz uchun javobgarmiz.**

**1 Yohanno 2:23 O‘g‘ilni rad etgan odamda Ota yo‘q. O‘g‘ilni tan olgan odamda esa, Ota ham bor.**

**Yohanno 14:6 Iso unga dedi: — Men yo‘l, haqiqat va hayotdirman. Otaning oldiga olib boradigan Mendan boshqa yo‘l yo‘q.**

**Matto 11:28-30 Ey holdan toyganlar, og‘ir yuk ostida qolganlar, hammalaringiz Mening oldimga kelinglar! Men sizlarga orom beraman. 29 Mening bo‘yinturug‘imni taqib olinglar, Mendan o‘rganinglar. Chunki Men yumshoq ko‘ngil va kamtarinman. Shunda sizlarning jonlaringiz orom topadi. 30 Axir, Mening bo‘yinturug‘im qulay, yukim yengildir.”**

**2 Korinfliklar 6:2 Xudo shunday deb aytyapti: “Muruvvat payti kelganda, Men senga qulq solaman. Najot kuni kelganda, Men senga yordam beraman.” O‘scha muruvvat payti hozirgi paytdir, o‘scha najot kuni bugungi kundir.**

**Rimliklarga 10:13 Axir, “Rabbimizga iltijo qilgan har bir inson qutqariladi”, deb yozilgan-ku.**